

獨

學

廬

三

稿

獨學廬三稿

晚香樓集二 古今體詩九十七首

東吳石韞玉著

觀阮芸臺中丞靈隱書藏賦此奉簡三首  
龍威靈寶杳難求別有鄉環福地留積古似開  
羣玉府崇文不讓百城侯心追白傳同千古志  
在班生集九流此地天龍森護衛不虞帝勅六  
丁收

開府文章許與燕清才盛事領時賢鄴侯架插  
籤三萬崔氏書鈔紙八千講藝曾窺石渠秘談

經嘗借竹林禪風流再作西湖長共說當今玉  
局仙

軍溪夫子魯靈光手寫金經貝葉香學坐蒲團  
依繡佛寄將詩卷到雲房著書同享名山壽韞  
櫝無煩汲冢藏異日湖壖徵故實恍疑天祿觀  
琳琅

題汪氏六息齋印稿

書契代結繩勒銘遍鼎鐘防偽作符璽法沿斗  
檢封羸劉鞏刻印紫泥錯丹彤厥後嗜古家摹  
畫追前蹤奇字象蟲鳥古制蟠夔龍腕力露巧

拙心畫呈纖穠塗酥白玉琢撥蠟黃金鎔異文  
汗簡討利用昆刀剗窪隆辨欸識行列分橫縱  
夢英十八體繆篆世所宗嘗讀印人志妙手嗟  
難逢汪子工鐵筆識字師冰邕書成簪花格斤  
運刻楮鋒圓轉珠在握光恠星羅胸灼灼春林  
花鬱鬱秋澗松上者卿相佩次亦文房供琳琅  
積成帙璨若羣玉峰著書寄商榷不遺菲與葑  
我少習鄙事愛古忘愚憊窮年琢山骨臚列同  
璜琮不辭嘲石癖稍異供書傭撫此觸素好恍  
聞谷音疑珍如金萬鑑嚴以錦十重豈云雕蟲

技壯夫所不容

讀任昌運廣文香杜草書跋二首

儒雅風流古鄭虔  
新詩一卷萬人傳  
鶯聲明曉猶求友  
鶴壽迢遙不計年  
博物磨穿青鐵硯  
懷賢詠到白駒篇  
廣文已是神仙職  
況在真靈大滌天

讀罷新篇餘味長  
彥昇才調厯齊梁  
八千書紙心常醉  
七十年華鬢未蒼  
詩骨直隨梅共瘦  
官聲真與藻同芳  
素心更有張京兆  
謂時樽酒論文興不忘

六如詩

夢

古來六夢掌周官一枕黃梁日未殘道在莊生  
嘗化蜨春生燕姑亦微蘭蟻封安國寧能久胤  
穴乘車自覺寬多謝春婆今喚醒何當圖象傳  
巖看

幻

西域傳聞有幻人每從妄處故求真魚龍曼衍  
曾逢怒猿鶴飛騰自入神二士蓮花空粲舌一  
軍藕孔穩藏身橘中更有觀茶客會向瀛洲賭

玉塵

泡

法性如回大海瀾循環生滅總無端乍疑珠相  
圓明現不比萍踪聚散難潑刺戲魚間吐沫喧  
逐激石驟生湍幾時水靜流波息共作虛空粉  
碎觀

影

蜩翼虵蚺苦自封行行止止渺無蹤日宮忽掩  
脩羅掌石窟常留悉達容陶令賦詩空致問李  
生舉酒若相從燈前畫理誰參悟夜坐蕭齋一

笑逢

露

金莖沆瀣降三霄呼吸潛通帝座遙漢室上林  
方獻瑞秦風秋水尚相招有時天澤霑行葦無  
量君恩到蓼蕭富貴功名都若此須臾一點草  
頭消

電

豐隆精銳走雷霆法界淫裔列缺熒玉女投壺  
天自笑金蛇繞斗帝常靈縱饒鞭策能為用都  
恐光明不久停碧落黃泉爭激射陰陽相薄本



無形

鳳凰山館圖為楊補帆題

太息楊瘋子風流古鄭虔  
吾吾常暇豫我我獨周旋  
蚤詠從軍樂相傳入幕年  
掃門曾相貴設醴穆生賢  
畫品神無逸詩才鬼亦仙  
執冰勛未錄磨盾檄曾宣  
跡託西湖長名爭北苑先  
依劉江上賦訪戴剡中船  
喬木三遷遂浮家十載延  
乍營因樹屋自辦買山錢  
種竹斲千畝誅茅受一廛  
盤飧忘市遠枚餅補夫穿  
掃徑元卿喜連牆禦寇便  
鵲聲當戶報鶯語比鄰傳  
花氣通屏

幃琴心答澗泉元戎方握髮小阮適隨肩室本  
能生白亭應號草元盈樽陶令酒歷架鄴侯編  
座暎冰壺月牀鳴錦瑟絃讀書今有子歸計尚  
無田差喜江山助俄成翰墨緣衡門開秀野佳  
客至蟬嫣水石師王宰雲峯逼巨然乃賡招隱  
曲聊和卜居篇

客饋金鯽魚以盆蓄之而志以詩

始焉圉圉少洋洋尺水依然蘋藻香蒙叟自能  
知逸樂校人何苦太俯張城門失火殃差免滄  
海乘風意未忘却笑連黿任公子幾曾安坐在

濠梁

柴門臨水稻花香圖卷為何秋濤題

白沙翠竹遠周遮閒坐柴門數落花  
禦冠愛依田更宿蘭成亦號野人家  
村無吠犬風斯古樹有鳴蟬日欲斜  
我亦蘇臺同井客寄將閑話問桑麻

更生居士挽辭

丈夫不虛生各尋不朽事其事非一端  
要有孤行意昔聞洛陽生孝文世方治  
忽陳痛哭詞讀者心欲悸吾友更生翁  
平生好岸異官為柱下

史封章無路致手草萬言書高論罔識忌投諸  
執政門藉達登聞使上言補袞職下言慎名器  
臚列衆公卿一一寓風刺剖心志無他批鱗視  
如戲

聖明日方中處士敢橫議緹騎晨在門草索繫  
諸吏

國家有常刑臯陶法當寘欲殺非

堯心玉門姑投畀萬里執爻行十旬

賜環至狂言

聖人擇且作良規記誹謗旣無誅芻蕘况弗棄

臣心天已鑒露雷教同被憶昔及第年金門出  
連轡策名愧盧前論交幸王次百家方爭鳴公  
獨樹一幟家藏多秘書客到問奇字每矜意氣  
豪頗受聲名累著書長卿才歸田平子志仁粟  
分鄉鄰智囊表童穉知公篤於親臨樂輒奔避  
知公友于弟解組敦風誼公今歸道山斯人不  
可二既為逝者傷撫躬亦墮淚芝焚蕙自悲物  
性傷其類

山行口號

湖上春歸噪百禽六橋桃李自成林却嫌花市

繁華甚間向山中看綠陰

題蔣于野水竹莊圖

何須避世住牆東朝市山林吏隱同自喜清涼  
成世界不教熱惱到心胸二分流水三分竹四  
面垂楊一面風欲識元卿舊池館好從圖畫覓  
芳蹤

題懶愚和尚面壁圖

達摩住嵩高壁觀九寒暑觀壁亦何為舉世無  
可語我不著言說不如且默處上人天親流寶  
林傳慧炬八識辨覺知四禪徵能所偶作面壁

圖獨坐子無侶澄心以觀空萬象一心貯觀空  
空亦空六合曠無阻人壁兩相忘形忘跡不著  
諸法皆歸空大化不我圉況此瓦甃等道果在  
何許非壁而云壁斯義吾能舉無相有相同諸  
相總土苴已得達摩髓心印佛傳汝若遇僧神  
光且與安心去

初夏

門前萬木綠成行燕子歸來舊草堂謝豹啼時  
春事盡王瓜生後夏畦忙野禪亦得安心法  
菴學終無煮字方山靜日長經過少閒扶藜杖看

斜陽

對雨二首

麥秋纔過雨連縣十日成霖古諺傳竹下徑荒  
方却掃葦間舟小更延緣一江漸入無邊海萬  
室同居有漏天尺宅寸田吾未有癩憂還賦憫  
農篇

靈山大士主陰晴處處慈悲救苦救卧榻頻移  
防屋漏行滂繼長與階平望霓不解憂時抱引  
蟻聊抒濟物情豈是司空有佳語門前真見大

河橫

杭人禱雨祈晴必  
請天竺觀音入城



齊北瀛編修惠琉球竹筴楊補帆為我作  
翠微圖詩以謝之

卜宅吳山第一峯小樓深隱翠微中邦人喚我  
西湖長不讓茗溪桑苧翁

當代丹青楊補之此心解與白雲期二豪盤薄  
高樓上正是山中話雨時

客自琉球國裏回寄將小扇當瓊瑰清涼絕勝  
龍皮扇如挾風濤海上來

蔣生炯約遊大滌洞天余不果赴其歸也  
言石壁題名有宋人與余同姓名者因

賦詩寄之

有客親探大滌春歸來與我話良因卧游秀樂  
天中境坐證莊嚴却外身小字分明題石壁幾  
生旋轉入風輪湘東試補同名錄都恐傳疑誤  
後人

敘永周司馬六十壽言

檢點金蘭夙昔緣同官同里使君先書升自注  
陽城考撫字曾調蜀國絃爵向武功登後顯名  
從文學紀中傳執冰親肅容刀隊磨盾飛馳露  
布牋饒吹競賡朱鷺曲藝林爭錄碧雞篇繡衣

佩玉章身艷翠羽影纓耀首鮮

帝錫頭銜曾署貴吏遵尾諾郡符專營邱報政  
方三載熨道回車已十年千里純羹歸計穩四  
圍竹色隱居聯謝莊風月堪名子何允山林自  
樂天雅管風琴娛晚歲義漿仁粟徧同廬共推  
繞膝僧虔慧更喜齊眉德耀賢禮渥朋尊嘉有  
穀恩流造室信無偏君方息軌空山裏我亦收  
帆大海邊璧水一池偕釣月瑤田十畝助耕烟  
元卿竹徑尋詩近迂叟雲林讀畫便郊外品花  
過北里窓前剪燭話西川盛顏矍鑠因餐蒔華

胄迢遙繼愛蓮紅豆徵歌聽宛轉紫囊賭墅坐  
流連乍扶鳩杖鄉間敬並看魚軒笑語闌弧矢  
早酌男子志璣衡漸度老人躔鶴知周甲添珠  
算龍集先庚卜錦筵椒酒上尊稱壽愷霓裳小  
部演胡旋昌辰況值

千秋節永慶依光似偓佺

簡山陰蔣光弼明府即以贈別

纔樹風聲轍已環此邦父老恨緣慳元卿竹徑  
尋詩地內史蘭亭問政山百日出成書上考一  
州斗大畫中間謝家子弟真如玉媿我無功未

鑄顏

無題四首

金屋銀環競弄姿  
珊珊仙骨故差池  
楚頸善詈原無怒  
殷妹遲歸自有時  
與我周旋甘獨處  
為郎顚顚恥通辭  
牽蘿倚竹空相憶  
日暮風寒翠袖知

一斛珍珠訂久要  
漫將羅綺鬥春嬌  
天邊明月圓時少  
海上仙山望處遙  
衣敝捲還秦女手  
帶寬瘦盡楚宮腰  
三秋三歲都虛語  
寂寞空山自采蕭

靜婦蛾眉坐繡幃無端謠詠忽乘機謗多慈母  
猶投杼寵極私夫亦賜衣貧女此心憂漆室良  
媒何路問桃斐黃金不買文園賦自倚長門看  
落暉

良宵風月可憐多靜裏書空喚奈何合掌虔心  
誰識我畫眉微罪更無他花中空置婁羅歷海  
內徒傳得寶歌疇昔容輝今已減那堪吉士再  
婆娑

讀半山集書後二首

共道荆舒誤國臣平情尚論要求真黃扉伴盡

中書食任事如公世幾人  
斯人不出奈蒼生仰止東山素抱縈何事宦成  
身退日一杯黃土亦爭名

畫屏四詠

羅敷採桑

使君五馬枉踟躕爭奈羅敷自有夫鳴雉有求  
嗤衛俗寄瑕無術避秦誅水邊芍藥心空許山  
下蘿蘼計已愚畱取芳名在彤管肯隨靜女向  
城隅

韓文靖夜讌

江左君臣幕上禽  
台衡無復守官箴  
衣香霧散珠簾薄  
燭影風搖畫閣深  
遇主非時終落拓  
畏人失計蹈荒淫  
直教乞食歌姬院  
始識英雄末路心

張果老移家

仙翁策蹇入雲霞  
孺子偕行艷若花  
蝙蝠成精猶度世  
鴛鴦得耦便為家  
敢辭負戴勞筋骨  
獨抱神通換齒牙  
不作金仙公主壻  
道人心自厭繁華

陶穀掃雪烹茶



將軍羔酒錦幃中學士高寒趣不同雪壓玉堂  
天自碧茶香石鼎火初紅端知柳絮才無敵重  
續鸞膠句已工他日撰成清異錄好將佳話補  
談叢

秋懷雜感十七首

堂堂歲月自消磨潘令閒居鬢漸皤花似麗人  
傾國少山如名士過江多西山朝霽仍青靄南  
浦秋深尚綠波欲反淮王招隱曲連蜷桂樹滿  
陵阿

結廬依倚古城隈巢許比鄰意罔猜雀喜閑門

羅未設犬嗅俗士駕難迴  
花開自製移春檻筆  
倦思尋避債臺叅得莊生齊  
物旨不知鴈木孰  
為才

濯纓湖水靜無波  
繡斧當年彼土過  
祇解當官  
先弊吏邨知學道竟  
逢魔地肥食盡身光減  
城旦書成目論多  
莫訝庭堅偏執法  
殲除貪墨未  
曾苛

頽俗俯張不可磯  
出門一步即危機  
道人共慶  
先登岸處子常留  
未嫁衣誰解  
夜行禁犬吠却  
因秋老慕鴻飛  
卜居最是江潭好  
莼熟鱸香稻

蟹肥

製就新詞和惱公人生原是可憐蟲雲邊卿月  
終生魄竈下奴星怎送窮白馬共知言汎濫黃  
難空復唱玲瓏龍伸蠖屈紛紜態總在風輪旋  
轉中

庾信傷心賦小園桑麻不數武陵源雨添曲沼  
魚招媵風遠平疇稻有孫有酒且判今日醉無  
求轉覺布衣尊室中萬卷能銷日經史旁行左  
右繙

楚國騷人愛問天鴻濛高處恣投筴跼爲水險

公無渡負泰山深僕請前韞櫝自忘和氏璧碎  
琴安問伯牙絃司空自愛王官谷不待城南二  
頃田

陸氏莊荒尚有因不圖著論到錢神問狸豺虎  
常當路護鼠鴟鴞善嚇人每訝鋒車時揭揭那  
堪黨論更頻頻王陽焚坂歸來後甘作荆蠻老  
逸民

老至光陰擊電過歡場百戲總誚琴當入破  
聽常倦棊到將殘劫轉多畫鬼難窮吳道筆撥  
雲誰奮魯陽戈吹笙衣錦當時客箇箇書空喚

奈何

草堂深處絕移文  
鶴怨猿驚若罔聞  
風起林間無靜木  
日高山上有閒雲  
重施斗帳留香母  
小置團焦對墨君  
却怪劉安不仙去  
塵中雞犬太紛紜

山公醉唱白銅鞮  
晚入閑閨婦子携  
遠志怕成出山草  
幽居無復憶雲泥  
隍中妖夢渾忘鹿  
窗下清談只聽雞  
屈指同時金紫客  
幾人投老玉門西

一紙封章百爾驚  
風聲羅織太無名  
吹毛自詡

鷹能擊投骨原知狗必爭若遇吉人辭合寡幸  
逢

明主政方平誰能大計籌軍國始信朝陽有鳳  
鳴

治朝平典絕虛誣

聖主哀矜似有虞由獄險夫誇執法寢門冤鬼  
訴無辜纔看繡豸臨江上旋報蔥靈反海隅不  
見漢庭于定國常留餘慶到遺奴

悲風蕭瑟夕陽亭歷歷衣冠此處經揚子逐貧  
終自誤柳生乞巧竟何靈數奇百戰無茅土道

廣千秋仰德星清酒如泉人似玉醉鄉風月任  
消停

擁書欲傲百城侯奚事車前羨八騶肯以雞豚  
煩孟蔑任教牛馬喚莊周靈和柳昔舒青眼度  
朔桃今駐白頭自掛衣冠神武後逍遙蹤跡徧  
林邱

娣黃梁卯象通神筮得天山遯有因每恐獵纓  
逢賈誼却教鼓枻悟靈均白雲不速常過我碧  
樹無情亦昵人婚嫁隨緣惟早畢怕將兒女累  
清貧

紅樹青山不我猜，幾番欲出又低徊。  
明知束帶腰曾折，無奈彈冠心已灰。  
窺日自驚駒隙晚，畏人無恐鶴書來。  
孤山三百梅花在，冒雪凌霜次第開。

蘭溪舟中

古驛溪山好，扁舟風月清。  
野黃知稻熟，潭碧見魚行。  
急景催年矢，孤蹤憚客程。  
塗人頻問訊，無計可逃名。

曉達鳳山門

一夜乘潮下，勞人倦欲休。  
近關頻問路，望塔喚



停舟築圃吳農樂浮家越女謳此鄉多稻蟹生  
計最宜秋

生日漫成十二首

堂堂歲月苦頻增幸藉尊鱸慰季鷹老去行藏  
當自斷病餘述作已無能紫雲善度無愁曲黃  
菊真成耐久朋兒女癡心祝多壽絲絲爭買繡  
然燈

一尊椒酒慶芳辰釗動花飛四座春德耀未衰  
先棄我舒祺最少似成人自知才拙辭官早敢  
謂年高見道真傳得蘇公三養訣舉家安樂不

憂貧

老學還求智慧增  
歸山身似脫鞵鷹  
閒思客踐尋花約  
老喜人諛健飯能  
僧設香花祈佛祖  
婦調湯餅會親朋  
讀書更愛新涼好  
挑盡幽窓一盞燈

佳節纔過落帽辰  
秋宵風月勝如春  
會稽山好堪辭世  
靈寶經傳欲度人  
豹隱霧中猶善變  
鴻飛天外始全真  
納楹萬卷藏書在  
料想兒孫不患貧

華年有減更無增  
坐看鳴鳩又化鷹  
水鏡清談

思樂廣風旂妙義闡盧能達觀早悟生如寄老  
學仍期壽作朋識得本來真面目一燈無盡即  
千燈

玉堂天上舊星辰自別承明兩度春風月且談  
今夕事湖山欲傲故鄉人客知送酒陶元亮  
帝許歸田賀季真有屋可居書可讀不將餘蓄  
累清貧

白髮星星兩鬢增何當索馬更求鷹六州聚鐵  
愁成錯八月觀濤病未能學道胸中消妄想論  
交方外絕淫朋掃除十種仙人業但守楞嚴第

一燈

無妨磨蝎守生辰幸值清時樂壽春賈島鑄金  
呼作佛女媧弄土戲搏人早辭魏闕聊藏拙小  
葉衡茅自養真但願世為清白吏何妨曲逆竟  
長貧

洛陽紙價為誰增筆健秋霄學習鷹直是愛閒  
兼善病敢言少賤故多能南宮石癖招偕隱東  
野詩鳴慶得朋祈我華年宜此酒夜闌吹笛更  
呼燈

行樂須知貴及辰林塘花月一家春鑑湖

帝許容狂客笠澤天生是散人計拙自藏龜手  
藥心癡頻寫虎頭真綠蔬紅稻山中足大塊由  
來善饋貧

酒債書逋莫不增欲驅驚雀苦無鷹臨淵頗識  
游魚樂伏櫪難言老驥能殷木扶疎應不夭大  
樽瓠落本無朋近因結集華嚴藏如向昏衢獲  
智燈

江鄉搖落感蕭辰誰折梅花寄小春居室苦求  
錢使鬼臨池甘受墨磨人靈機變化枯槁活妙  
語縱橫賡鼎真藉得監河常餉粟也愁無濟漆

園貧

孤鴈二首

慈恩塔下舊知聞，萬里扶搖意始勤。  
霄漢將翀旋失路，羽毛自愛欲離羣。  
曾傳塞上三秋信，空帶衡陽一片雲。  
寥廓冥冥無處所，弋人何事苦紛紛。

鴛鴦為耦雉為媒，恠爾孤飛響特哀。  
八陣風雲空想像，萬重關塞獨歸來。  
須知遠舉終无咎，未必能鳴便是才。  
久欲懺除文字習，尚留一點近三台。

落葉三首

歎息淮南木落初秋聲蕭瑟滿林於心追夏綠  
渾成夢指望冬青願已虛拈地疾風誰護汝空  
山明月更愁予西窗獨有讐書客一度思維一  
掃除

騷人蕉萃楚江頭溝水東西一葉流自與衰蟬  
同寫怨都緣病樹不禁秋丹黃糝雜仍爭艷風  
雨漂搖始欲愁桂柏凌寒知己晚荒林何地可  
埋憂

萬綠凋傷霜露寒后皇嘉樹惜摧殘世間未聽

成先退天外風災避最難百丈歸根如有約三  
年刻楮太無端婆娑生意今銷歇權向蘭成賦  
裏看

周庶堂少宰使院觀劇有感二首

曼衍魚龍祖偃師人情好恠類如斯雪車冰柱  
徵詩苦露犬紈牛入畫竒香捲白波行酒客光  
搖紅燭出門時都緣公瑾如醇意香燼燈殘坐  
不辭

統統畫鼓報轅門秩秩賓筵笑語溫自昔達人  
常說項卽今送客尚留髡狂來吞海心猶在興



到談文舌莫捫却念種桃前度客雞竿曾否沛

新恩

金門宮保方  
在請室故云

讀李墨莊員外詩卷書後四首

江上秋山接翠微使君於此駐驂騑  
路人尚識當年貌曾著麒麟一品衣

朱邑桐鄉念未休錦江消息每沈浮  
無人可話巴山雨讀子新詩當卧游

零落長安舊酒人山邱華屋各沾巾  
忽驚鶴化秦川客但願耿蘭報未真

詩中有哭楊峇裳之  
作不知日月猶冀其

訛傳

神武歸來歲兩更  
鏡中勲業歎無成  
西湖儘有閑風月  
留我相羊過此生

題楊補帆仿王石谷吳江秋色圖卷二首

萬里山川意倦游  
歸來高卧舊林邱  
愛君筆墨蕭疎甚  
畫出垂虹一段秋

三王妙跡冠東南

謂烟客圖照麓夢

石谷清竒更出藍

董巨替人今不遠  
雲容石色許窮探

孟冬之晦大雪寒  
石上人折柬相招山樓

信宿即事成篇二首

萬里同雲望轉遙  
六花飛舞碎瓊瑤  
將從謝客

尋詩去忽報林公折柬招鶴語荒寒心自訝虎  
潛幽隱氣弥驕香南雪北靈山在靜夜挑燈話  
寂寥

天工游戲本無猜花雨彌空四面來大地化成  
銀世界靈仙常住玉樓臺田間占歲應宜麥林  
下尋春未見梅一片清涼真淨土問從何處著  
塵埃

煮雪

誰道紅爐點雪奇儒冠梁肉本非宜乍携箕帚  
循牆角不假餅壘向井肴潑乳茶香生齒頰饒

冰風味沁心脾南朝更有燒銀客舉示貪夫亦  
療癢

賞雪

煮酒蒸羊事已麕山家風味與人殊豐年價等  
千金璧豪客歌償一斛珠佳日晴時思內史小  
樓聽處問凡夫聰明應遇知音賞夢見神僊冰  
雪膚

詠雪

漠漠銀雲萬里同仙心白戰錦囊中尖叉韻鬥  
蘇公險團散歌傳申叔工郢客落梅方刻羽謝

庭飛絮妙因風晚來更覓詩中畫蓑笠孤舟獨釣翁

泛雪

蓬牕窻窄糝瑤塵夜靜天寒孰問津兩岸微茫鴻印爪一舟搖盪鶴隨身江干畫本臨摹得剡曲風流想像真却羨苔溪蓑笠客蘆花深處獨垂綸

夜宿理安方丈呈寒石大師

學佛先尋出世因茫茫六合一微塵觀河迅速徵賢劫指月清涼悟色身說法游魚常出聽忘

機猛虎自能馴即今彌勒同龕住幾度拈花笑  
向人

聞劉金門遣戍黑龍江賦詩奉寄無懷邱  
芝房六丈二首

歎息人間磊落材文章聲價在鸞臺每因疾惡  
招蜚語誰料憐才釀禍胎士論共明懷璧罪  
主恩早卜賜環回白山黑水窮邊地幾輩南冠  
向此來

塞外交游更有誰江南才調憶邱遲蓬山作賦  
知名早瘴海從軍奏績奇墨吏攬金偏有術書

生毀玉竟無辭清時頻聽雞竿詔何日  
恩波及海湄

僧舍探梅

十笏茅菴枕水濱冰霜深處可尋春佛為大衆  
慈悲父花似空山寂寞人吠犬迎門驚客至游  
魚生釜識僧貧曾經簷蔔林中住觀色聞香不  
著塵

題菰香小影兼調伯治二首

鑊窗開處一輪圓記得吳剛八月年共道鳳凰  
曾此宿桐花竹實尚依然

風流獨有張京兆畫出新眉十樣工問訊錦屏人妬否平添采伴入門中

韓桂舫中丞過杭見訪率賦并懷張菊溪

尚書

旌節花開到澗槃野人久脫遠遊冠劇憐鐵券功名大稍覺珠崖道路難澤國有戎偏伏莽書生無策贊登壇

尚書今春曾折柬相招余病不能赴也

樓船將士

同袍在何日蒼黎衽席安

圭峯圖為顧景岳太守作

幽人愛住湖山曲萬綠中間拓茆屋特開講肆



在名山書堂正對圭峰麓執經弟子三百人絳  
紗圍繞人如玉先生心醉六經中藝林拱手推  
尊宿崔子手抄八十紙李侯架庋三萬軸更將  
餘事入吟牋含毫日飲湖光綠憶昔金門聯步  
年曾校秘書坐天祿三館人才誰最先公是當  
今鄭與服一麾出守向海南厯盡大都與通谷  
萬里歸來文益奇搖筆珠璣即滿幅世事白衣  
變蒼狗廿載光陰如轉燭公今移家住翠微我  
亦城南成小築每因問訊折疏麻片片瑤華許  
相續清游常拍洪崖肩博聞共讓孝先腹振衣

亭子高入雲烟霞供養平生足安用車前擁八  
騶山水友朋亦清福

己巳除夕

爐中商陸送餘寒又是光陰一歲完竹火喧騰  
袪故鬼桃符更換當新官花飛小海應含笑酒  
餉中山自合歡卅載宦游今已倦不須重整切  
雲冠

獨學廬三稿

晚香樓集三 古今體詩八十七首

東吳石韞玉著

庚午元旦

飲罷醑酥意鬯然平生行止總隨緣於菟從政  
曾三仕伯玉知非又五年積雪農家占歲艱新  
晴天氣得春先老夫未讀書猶廣賸取聰明更  
著鞭

項秋子邀至甘遜村看桃花舟中即席分  
韻得雨字

綠波如羅漲南浦社燕初歸春卓午幽人要我  
探花行移舟同入桃花臨桃花李花相間開紆  
紅繚白滿園圃路轉如穿九曲珠船窓兩面花  
光聚是時令節逢中和一冊農書進官府且從  
同井問桑麻恰值行廚設尊俎村名甘遜遜者  
誰此中倘有秦人伍緣溪不遇捕魚翁當筵自  
擊催花鼓噉飯終愁悟道難擘箋不憚吟詩苦  
城中少年猶未知一枝携取誇先覩人生行樂  
要及时明日亂紅飛似雨

靈隱話雨圖為顧星橋作

步出鳳山門衆峯揖我前二三素心侶相約同  
逃禪初叅慧理塔乃登妙喜筵洗心八德水合  
掌九品蓮白雲鐘方撞綠雪茶已煎是時當盛  
夏晝日長如年讀畫逢快雨彈琴和鳴泉或觀  
貝葉經或讀山居篇樂哉山中靜主客皆流連  
偶與一夕話亦係三生緣有圖復有詠共託名  
山傳而我轉一語天地風輪旋四大偶和合成  
此法界圓空華倏生滅萬物無完堅擊電機易  
失觀河境屢遷世間有為法執著滋蟬嫣譬彼  
春蠶絲何苦多牽纏吾生幾須臾飄若火上烟

掃除一切淨覺海真無邊

送夢芝隨高中丞之皖

廿年似影不離身一旦驪歌逐去塵從我移家  
胥水上送卿問道皖江濱龍媒骨自超凡馬燕  
子心常戀故人聚散隨緣休執著絮飛萍住總  
非真

陳古華太守五十學書圖

庖犧演一畫肇植文字根書取記姓氏工拙安  
足論靈光四目誕蒼頡形聲相益字乃繁佺盧  
沮誦先後作儒書梵夾同根源二篆八分恣變

化稽古賴有金石存伯英草聖元常楷孤行一  
意成專門六書解散古意盡筆陣乃讓山陰尊  
說文上宗許叔重千祿下采顏元孫俗書姿媚  
出新態古文穿鑿撫陳言今妍古拙互長短譬  
如北轍追南轅晉賢格韻唐賢法我昔約略闕  
其垣論書卅篇揮麈說非敢私意妄輕軒公之  
書學天所授舉筆早闢鍾王藩初求平正繼險  
絕手追心慕忘朝昏有時大海飛鴻戲有時流  
泉渴驥奔即今人書已俱老筆筆化作屋漏痕  
我聞宣尼五十始學易達夫五十始學詩豈其

少壯不努力至此乃是入妙時聖賢造詣與年  
進意公書學當如斯公聞我言應莞爾我之知  
公却勝公自知

題滕澍蒼課孫圖

柏臺有樹聽鳴禽其下賢人抱膝吟教孝教忠  
名世業讀書讀律致君心甘分一味將娛老學  
課三餘自惜陰德似耳鳴人亦識訟庭無訟落  
花深

寄居孫氏一榭園奉懷主人淵如觀察

蒼苔門巷少人經偶為尋春向此停萬卷縱橫



池北庫雙鬟鼓吹竹西亭三篙碧水縈衣帶一  
桁青山入鏡屏願與興公結隣住移文先寄草  
堂靈

拜于忠肅公墓

蕭蕭邱隴碧山阿史冊然疑論或訛叔武立因  
全衛國韓擒死定作閻羅杭人祀公為城隍神青宮調護  
談非易黃屋安危計若何禍起宮鄰終古恨辨  
誣奚止痛金陀

題杜素芬憐影圖即和卷中自題詩韻

芙蓉江上耐清寒豔影亭亭鏡裏看絮定不隨

風上下花嬌幸免雪彫殘粉侯游戲成三絕

謂伯

治瓊姊分飛是二難

謂晚蘭

回首曲中諸采伴

玉壺紅淚幾人乾

明周忠毅公玉印為廉堂少宰賦

公名宗建天啓朝官御史以劾魏璫死  
於詔獄此印蒼玉獅紐高一寸四方六  
分文曰季侯公字也柳葉朱文

先正明清誓守官觸邪不負惠文冠窮泉薶血  
千年碧密印傳心一寸丹合浦携歸珠並反

印亡

已久近日少宰之弟

崑岡焚過玉仍完故家留

雲蟾在嶺南得之

得忠臣樣好付雲初百代看

題沈三白琉球觀海圖

中山瀛海外使者賦皇華亦有乘風客相從貫  
月楂鯨宮依佛宇龍節出  
天家萬里波濤壯歸來助筆花

韓雲溪登岱圖

自別齊州星四改披圖重覩舊山川峰留魯叟  
登高迹樹紀秦皇拜爵年滄海無邊看浴日青  
雲有路欲捫天向禽百慮消除淨尚賸平生五  
岳緣

石門顧仲歐山人以詩見投次韻奉報

銅爐香清鼎茶熟雪花如  
縣牋庭竹伊人投我  
瑤華篇趺然足音至空谷  
世事迷離春夢長白  
雲招我歸山速老夫頽唐  
君莫嗤自古散人如  
散木

初春大雪賈竹坪分司攜酒至吳山三茅  
觀招飲楊子補帆繪圖紀事漫題五絕  
句

博山爐內熾雕薪酒綠鐙紅四座春  
聽得靈臺  
頻報瑞可知世有葛衣人

當年風雪賦西征身赴征西大將營  
黑夜衝寒穿賊壘短衣匹馬一書生

如今高卧學袁安幸有山梅共耐寒  
獨立吳峯最高處無邊清景儘人看

學士烹茶趣自嘉將軍煮酒亦豪華  
世間一切隨緣好纔別榮枯已涉魔

山河大地杳無垠萬里同雲黯不分  
果否玉龍天上戰醉中稽首問茅君

夜卧聽雨

雄風雌霓滿塵寰一片凝雲嬾出山  
休道雨工

鞭不起儘多膏澤在人間

石屋洞訪聖菴上人和壁間寒石大師詩

韻

石室圓如卵四山橫自陳秋林松子熟夜路藥  
叉巡古衲常依佛幽栖可避人我思結茆住當  
卜遠公鄰

金華觀鬪牛歌

我生嗜奇樂異聞採訪風俗心殷勤金華之鄉  
牛善鬥父老傳說都云云涼秋八月爽天氣一  
權夷猶至其地廣場如砥十畝寬田有沮洳發

縱利鳴鉦擊鼓聲如雷東阡西陌羣牛來紅綃  
繫角金飾額一一名字標英魁植竿相對作門  
戶兩牛相逢怒如虓進不能遂退不甘觀者如  
牆色飛舞萬人歡笑兩牛嗔人謂游戲牛謂真  
牴牾既久雨不下解紛釋結還需人嗚呼凡戲  
皆無益季郈鬪雞竟成隙金籠蟋蟀賈平章玩  
物玩人均喪德歲時洽比鄉鄰安莫因好弄開  
爭端賢相停車問牛喘哲人所戒惟游盤

為韻卿書扇

沙棠之檝木蘭船有客尋芳更覓緣看到桃花

三月閏無邊春色是今年

臘月十九日東坡生辰項秋子招集同人  
祀於西湖蘇公祠賦詩紀事

靈均作離騷庚寅述初度生辰直南斗昌黎鴻  
辭布昔賢念始生鄭重見章句平生一片心百  
世尚可泝偉哉蘇長公英才天所付神峯五岳  
尊學海百川赴大聲金石鳴小物蟲魚註慧業  
四禪天博聞九經庫公年三十七通守杭州住  
官閑簿領稀嘯傲謝塵務心留風月談鬯領湖  
山趣爐筵歲三改移官高密駐轉燭十三春仕



途屢顛仆登朝掌兩制謹言觸當路再出守是  
邦經綸仍布濩班春巡四野父老喜重晤是時  
元祐初執政國之蠹直道身不容蛾眉自遭妬  
而公仗節來吾自行吾素勸課先農桑拊循徧  
婦孺論狀及西湖經營濬潢汙艱難小民依仰  
向君門訴六橋卧宛虹萬井甦涸鮒善政浹人  
心千載如旦暮即今孤山根叢祠鄰白傅牲醴  
歲時陳薪木鬼神護季冬月既望風日甚和煦  
適值公生朝登堂辦香炷迎神復送神飲福亦  
受昨項斯風雅士即事詩先賦善歌多繼聲壽

陵共追步維公初生時仁皇方在御景祐歲丙  
子誕降謝庭樹讀書窮萬卷健筆妙陶鑄帝曰  
宰相材始進天已顧何圖生不辰羣小輒乖忤  
煌煌經國計十事几逢怒生旣投窮鄉死又黨  
人錮彼蒼豈忘才斯人乃不遇倘因始生辰命  
宮磨蝎故予生亦丙子宇宙微形寓當世豈樹  
立撫躬多憂懼稽古頗自傷懷賢特傾慕聊假  
文字緣少寫烟霞癩

白門感舊四首

少歲登臨地征車又此行江通桃葉渡山繞秣

陵城寶劍匣中繡薰風琴上生岑公方坐嘯桴鼓夜無聲

客館栖遲地經營手力勤移花欣遇雨養竹祝千雲  
搯杖迎朝爽觀書到夜分楊枝常在御老去惜離羣

攬轡吾衰久行藏感歲華昔超青海駿今聽白門鴉  
世事雲無迹鄉心燕有家中年憂樂趣陶寫仗箏笳

花竹城南宅秦淮舊板橋畫船波上住鈿扇酒邊邀  
曲水嬉三月殘山弔六朝當時裙屐客短

鬢已飄蕭

雲自在圖為澹雲和尚題五首

十方行徧且歸山  
擊電光陰彈指間  
世事從今休再問  
一猿一鶴守禪關

上國看花趁馬蹄  
已公茅屋在城西  
廿年桑下曾三宿  
鴻爪依稀印雪泥

樹高百丈葉歸根  
此是宗風不二門  
萬里青天一漚似  
白雲何苦更畱痕

賢劫安成法界基  
世間兒女太情癡  
祖師自有西來意  
北秀南能總未知

世緣興滅渺無踪  
兩葉浮萍遇海中  
留得此生緣不了  
香南雪北再尋公

和林和靖小隱之作

華髮初生半百年  
幽居心愛在山泉  
媿無籌策能匡俗  
聊閉柴荆學避賢  
峰繞一樓青杳靄  
庭留十竹碧新鮮  
還憎城闕囂塵近  
時上西湖釣月船

春郊踏青過結草庵

快雨初晴百卉芳  
閒携童冠蹋春陽  
經過柳市風尤軟  
歸去桃源日正長  
貧女賣珠猶待價  
仙

人煮石未傳方朱櫻綠筍無消息珍重僧廚粥  
飯香

答友

弧矢男兒事吾衰可若何行行憂患集止止吉  
祥多大地微塵合流光擊電過誰憐漢陰叟垂  
老更婆娑

采石山和林處士韻

萬木蒼蒼帶夕曛翠螺終古枕江濱谷音響答  
皆成籟嵐氣晴蒸欲化雲志恠聊憑屨作照忘  
機直與鷺為羣平湖一曲梅千樹遙憶孤山處

士墳

太白樓

河岳英靈應運生李侯佳句最知名醉叨天子  
調羹賜狂逐江斐捉月行讀畫更推蕭尺木品  
詩無愛謝宣城諸公零落人間世此後風騷孰  
主盟

林和靖有深居雜興詩十章愛其間適依  
韻和之

山家烟火日蕭然煮韭烹葵當擊鮮鶴與琴書  
成伴侶竹因花月共嬋娟三生石繡莓苔迹八

難爐蒸楮拙烟椿壽菌殤隨物化逍遙擬續漆  
園篇

銅山金穴苦嫌腥仰看焦明入杳冥泉石一區  
容我老風塵雙眼為誰青襄陽自著山林集笠  
澤無傳耒耜經更愛顏公有家法一篇遺誥在  
門庭

不煩袞鉞辨賢奸自守簞瓢樂鑄顏畊笠每衝  
春雨出釣船常趁夕陽還野多滯穗翔禽下巷  
少停車守犬閑是處閉門塵境絕何須滄海問  
神山



七里桐江繞釣臺卜鄰有願乏良媒竹能醫俗  
神仙餌梅解和羹宰相才孺齊道真文自壽屏  
除機事禍無胎草堂猿鶴終相守不放鳴騶入  
谷來

敦經說史吾成癖旁沙丹經及梵函深巷時來  
載酒客幽栖如傍積書巖呼魚游泳分鱖鯉種  
樹葱蘢雜檜杉却慕茗溪風景好戲題桑苧作  
頭銜

山林妄說布衣尊此語人云我亦云龍韞躋虛  
尋橘叟桃符辟惡訪桐君蓮開白社叅新義瓜

種青門紀舊勛班范文章姚宋業古今陳迹總  
浮雲

神武歸來便解巾不關貧病故吟呻園公去國  
仍憂主巢父逢時亦避人無術駐顏鬚髮改有  
詩言志性情真山花山鳥皆吾友共享雲林無  
盡春

山池五畝趣多忺營構無煩問蒨蕪花發米囊  
紅滿逕草生書帶碧侵簾于茅幸免秋風敗因  
樹聊消夏日炎野老四時行樂慣烟霞滋味幾  
曾厭

自嗔曇章悟六如雞鳴風雨守窮廬違時甘作  
孤生竹結習真同老蠹魚轉眼事忘憂患減知  
心人少唱酬疎閉門重理經生業惠子藏書富  
五車

阮公嗜酒自沈淪此意誰分幻與真醉裏歡情  
聊玩世狂來險語忽驚人癡雲出岫終無著老  
樹留花別有春仕宦固佳耕亦好力田孝弟是  
良民

游石屋洞留贈聖庵上人時上人方讀啟

世經

不學楞嚴十種仙須彌直到最高巔石為露柱  
皆能語風轉金輪豈得堅世出世間空說法想  
非想外更尋天何因慈氏重多事又結當來未  
了緣

中秋與澄谷上人同訪天平山白雲泉之  
勝黃子紹武即事成詠偶步其韻三首  
訪秋翠巖寺滿院桂香浮濟勝尊神足觀文仰  
俊流靈山雙樹老芳草一庭幽霜落尋紅葉相  
期續後遊

飛雲曾出岫倦鳥樂歸山客踐三秋約僧分半

日閒茶甌香潑乳苔徑繡成斑不覺石頭滑同  
叅古德還

積陰歷平楚疎雨釀涼秋倚杖柴門下揚舲野  
渡頭人隨飛錫住地豈布金酬近跡頻離合真  
如不繫舟

曹友梅山水畫卷為沈綺雲題

綺雲友梅  
之女壻

曹霸丹青遠擅場劉家小妹乍扶牀楹書欲付  
童牙守著策先占娣袂良一幅雲山同蘊藉兩  
家冰玉共芬芳鷗波夫婦神仙侶鄭重裝池付  
粉郎 結謂楊甫

二鳥

鴈有奴沙洲寂寞依寒蘆終宵巡警不敢宿他  
物一觸驚先呼雉有媒一雉鳴時羣雉來此身  
飲啄苟得所不顧網羅同類灾嗚呼鴈何忠雉  
何黠物類奸良原不一主人蓄雉不蓄鴈物性  
因隨主心變主心能變是凡禽良禽至死不易  
心試看鸚鵡能人語一種聰明惜毛羽繡閣文  
窗慘不歡終向故山尋舊侶豈等茆簷燕雀流  
依人索食聲啁啾

寒石上人歸吳中吾與菴賦此奉寄

公辭方丈我辭官  
嬾散貪閒總一般  
百歲盡時何物在  
萬緣空後此心安  
須知法界同毫末  
奚取機鋒在舌端  
放倒剎竿燒却佛  
世緣一切當魔看

陳笠颿同年移任江西布政使賦此送別  
西川東海兩同官  
聯襪拈裳念古歡  
花命升沉終有定  
萍蹤離合總無端  
交游自惜停雲遠  
仕宦原知畫錦難  
折取一枝梅贈別  
祝君同此耐清寒

詠小忽雷

蓮龕觀察座上見古樂器象軫檀槽皷  
腹修頸蛇皮蒙面張以雙弦似琵琶而  
差小曰唐宮小忽雷也舊藏于孔東堂  
家考樂府雜錄唐文宗朝有內人鄭中  
丞善胡琴內庫有二琵琶號大小忽雷  
鄭嘗彈小忽雷即此器也因成四絕句  
驃國新聲久絕傳梨園法曲化成烟獨留一片  
無情木經歷滄桑九百年  
雙弦挑抹響楞登想見妍娥玉手凭却怪人人  
弔青塚無詩詠到鄭中丞



鳳頭尺八紫檀槽腰腹彭亨古錦韜若譜唐宮

新樂府教人腸斷水仙操

鄭以忤旨被繼投於河流出再生為小吏

梁厚本妻故云

象牙軫上蠅頭字辨取云亭絕妙詞不盡桃花  
亡國恨更翻新曲度龜茲

題長江放櫂圖為陳生兆元作

金焦清霽海潮平萬里乘風第一程江上綠分  
山幾疊雲中紅露塔孤撐登樓我尚同王粲擊  
楫君應羨祖生花月秦淮春正好倚欄日日望  
行旌

壬申花朝與方葆巖尚書孫淵如觀察吳  
夢花文學同登清涼山江光一綫閣茶  
話走筆成篇

大江滔滔界吳楚兩岸名山不勝數建康城北  
是鍾山龍蟠虎踞夸今古孫楚翩翩王謝流招  
携同作清涼遊清涼山勢翠宛委傑閣巋然凌  
上頭當關老僧拍手叫紅梅一樹迎人笑崇臺  
十笏淩虛空近水遙山恣清眺六代荒淫釀禍  
胎臨春結綺皆成灰惟有四禪清淨地人間風  
火不能災此地東南大都會江光繞郭如衣帶

地僻全除市井囂，身高始覺乾坤大。座中有客多振竒，巢許夔龍共一時。吳生才語雲山助，方叔威名草木知。雲山草木常如此，百歲憂歡一彈指。纔信空門意味長，登臨不但江山美。請從方外結良緣，買取祇園一角山。手種梅花三百本，此間風月更無邊。

金陵隱仙菴有古梅一株相傳齊梁舊物也春分始花即事成詠

芳華千歲故依然，地近金壇古洞天。此處風光偏晚晚，舊時月色尚嬋娟。紅羊劫後春常駐，翠

羽聲中夢欲僊任道根枝頑似鐵品題終在百花先

題師竹道人載鶴圖

昔為山澤游穢舟五湖濱穹窿一山矗萬仞青  
嶙峋乘興坐筍將遐訪山中人幽踪託泉石高  
掌捫星辰宿宿復信信相與忘形神名山不可  
留一別今三春披圖忽相見警歎若再親扁舟  
小於葉擊楫生漣淪雙鶴作伴侶四山如比隣  
松聲滿阮谷如聞天籟新何必學禦寇御風動  
絳旬何必學佐卿驂鸞朝玉京但當謝世緣掃

却心地塵寄形天地間淡泊養其真委心齊物  
我便是無懷民

瀆川春泛圖為馮栻生題四首

蘇臺西去接靈巖春水方生暎蔚藍  
真面目丹青能事願蒞菴

討春有客共招邀水調新聲和踏搖  
宮畔路畫船簫鼓出斜橋

綠楊紅杏滿山池暢好春三二月時  
陶令酒紫囊同賭謝公棋

牡丹開候鬥茶天竹院逢僧結淨緣  
留人

三日雨焚香參盡畫中禪

夜游白雲泉圖為觀性上人作

客秋山澤游策杖天平麓天平多奇石萬笏雲  
中矗一徑兩崖間危磴古苔綠百步達山巔豁  
然開心目乳泉生石罅清響雜琴筑山僧結茆  
菴牢置懸崖屋手酌白雲泉飲我滌塵腹是時  
秋正中叢桂方吐馥恍坐祇樹林繞室飄金粟  
茲游倏經年光陰若轉燭忽然披此圖舊境復  
振觸卷中列三人兩未接芳躅嬾師曾識面蕭  
灑拔塵俗舉一知三隅高蹤應可矚荒言鴻無

範信手已滿幅

題比丘尼韻香空山聽雨圖四首

曾過梁溪画舫停  
九龍山色向人青  
真仙未詆無生果  
且築山中寫韻亭

解作簪花結墨緣  
由来慧業易生天  
脩成六甲靈飛術  
便列楞嚴十種仙

修竹幽蘭妙寫生  
風神瀟洒自天成  
緣知盡理通禪理  
蘭共芬芳竹共清

坐斷空花歲月深  
不須枯木聽龍吟  
讀殘暮雨瀟瀟曲  
也識蓮花不染心

錢清蓮總戎畫像四首

不須陳篋覓陰符  
遁甲開山別有圖  
傳得穀城書一卷  
由來名將即名儒  
觀書

一派宮商指下生  
此心早與鶴同盟  
泠泠山水清音在  
不作胡笳塞上聲  
撫琴

劉秩原稱曳落河  
十年一劍手親磨  
平生若箇知心友  
不是龍泉即太阿  
看劍

軍令常如酒令嚴  
奚煩龍豹作韜鈴  
哨壺枉矢尋常設  
共識將軍禮數謙  
投壺

送尹蕉園方伯入都述職



漢室金張是世卿三年屏翰福星明相逢傾蓋  
論心久此去朝天報政成吳語妖浮原積習丙  
侯寬大見平生繡衣但祝公歸早旌節花開一  
路迎

王西莊先生桐涇草堂圖卷四首

問訊城西路名賢有故廬庭留顏氏訓壁守伏  
生書老學忘才大文言卜慶餘當時問奇客門  
外競停車

光祿聲名久吾衰歎道窮敦經中壘並貞疾左  
邱同蛾術回時進鴻文就範工生天公太早不

及見張融

平子歸田後游心翰墨林青箱江左學白雪郢  
中吟健筆追班馬名山託向禽至今通德里行  
者輒沾襟

室邇人今遠懷賢意惘然苔岑同輩少薪火後  
昆延室有傳家笏書貽泊宅編羣公逢阿大才  
語自蟬聯

金梅尹画像

少游童子科橐筆遂儕偶君抱軼羣才裒然獨  
舉首彈指四十年風塵各奔走即今歸家若皤

饘成兩叟少年同學人十已亡八九誰與寫君  
真獨坐曠無耦邈若有所思一卷書在手此豈  
萬言書匡時志不朽抑探五經庫彛訓謹墨守  
他心予忖度含意可代剖新著潛夫論寄興在  
林藪問君然不然君乃莞爾受閒居有拙政孝  
乎惟孝友

戲作藏頭詩

廿年仕宦苦風塵鹿鹿簪裾跡已陳東海釣鰲  
曾待賈西山携鶴好尋春人間散木材終棄世  
外浮雲味最真八座三公何所取一廬且自息

勞新

和答黃紹武表弟兼訂消寒之會二首

年華彈指過世事放眉看  
白屋將歸老青氈自耐寒  
靜觀雲變幻幸守竹平安  
窗外梅花發清芬到筆端

親戚多情話交游念古歡  
高年同輩少禮數野人寬  
舉酒消寒會呼燈卜夜闌  
山廚無過菜蔬筍即盥餐

沈古心松間對酒遺像

世人多壽即神仙對酒何須問聖賢  
幸有松風

清俗耳終無藥草駐  
積年幽棲享盡平生福  
淨業應歸兜率天  
不及識公真面目  
我非生晚為緣慳

壬申除夕

堂堂歲月住山林  
漸見霜華向鬢侵  
身外一琴常在御宅邊  
五柳始成陰也  
燒爆竹祛窮鬼  
自祭詩篇慰苦心  
却笑燈前小兒女  
乍歸猶未習鄉音